

Vierde rekening van 13-07-1476 tot 14-01-1477 door Gerit Schymmelpenninc

foto 0001

voorblad

Den iiiii. end leste Rekeninge Gerits Schymmelpenninc vanden rentmeysterschape van Zutphen van z.^{en} jare eyndende xiiii.^{ta} january anno xiiii.^c Lxxvi

Om thof

foto 0005

folio 1 recto

Rentmeesterscap van Zuytphen van eenen halven jare eyndende xiiii.^a january xiiii.^c Lxxvi.

Overgegheven te hove byden voirsz. rentmeyster xii^a augusti anno xiii^c Lxxxiiii.

Rekeninghe Gherits Schymmelpenninck rentmeyster myns genedigen heren des hertogen van Borgondien in synre graefscap van Zutphen dair toe gestelt by openen brieve van commissien des voirschreven myns genedigen heren van welcken brieven die copie van woerde te woerde staet na inititulaeren van des selfs rentmeysters voirgaine rekeninghe die hy ghedaen heeft vanden jaren xiiii^c end Lxxiii eyndende op sunte Margreten avont anno xiiii^c ende Lxxiiii van allet ghenen dat die selve rentmeyster heeft opgeboert ende ontfangen van thynsen renthen opcomeninghe ende vervallen mynen voirschreven genedighen heren als greve van Zutphen toebehoerende zynt den xiii^{en} dach van der maent julio anno xiiii^c Lxxvi tot omtrent den xiiii^{en} dach van der maent van januario dair naist volgende ende eghenen langheren tyt hoe wael dat alsoe is dat die staet des voirschreven rentmeysters van desen jaren begrypt, ende is gemaict op een heel jair eyndende op sunte Margreten avont anno xiiii^c Lxxvii ende dat om des redenen wyll want desen rentmeyster the wynt ende dat regiment van dess officien niet langher gehatt noch gebruyckt en heeft overmits dat omtrent den voirschreven xiiii^{en} dach van januario die tydinghe int lant van Gelre end van Zutphen gecomen was dat myn voirschreven genedigen heren inden velde gebleven was ende als doe ter stont soe die tydinghe van daghe tot daghe vervolgheden soe want dat ghemeyn volck lopende mit alle rebellicheyt dat dair om die capoiteynen ende alle officieren die int lant van Ghelre ende van Zutphen uuyt bevele myns genedigen heren regiert hadden om sorghe ende ampt hoirs lyfs vertoegen ende ruemde uten lande, ghelyck dese rentmeyster oick doen moest, dir omme hy ghenen langheren tyt hier en stelt Welcke rekeninghe gemaict is in suiveren munten, te weten [hier volgen de omrekeningen van de diverse muntsoorten]

foto 0006

folio 1 verso

munte desen rekeninghe die elck geadvalueert syn in ponden schillinghen ende penningen van veertich groten vlems Gedaen te Bruessel

foto 0056

folio 26 verso

Ander ontfanck van versterve van voel sculdigen eygenen luden, end van koermetz luden ind is te weten dat als vanden eygenen luden hair natuere verandert synt, end is van menigherhande conditii na ghelegentheyte der have dair die luden an horen, dwelck dese rentmeyster int lanck an sijn voirgaende rekeninghe verclaert heeft inden capittel vanden versterve end oick so wail die nature vanden coermetz luden

Primo van Elsbe Scrivers die gestorven is tot Keppell end hoerende an den hoeff toe Hengell, dair van myns genedigen heren recht is een olt vlems qui valet

x penningen

Van Engele Boelkens die gestorven is inden kerspell van Stenre dwelck wass koermeyst mynen genedigen heren dair van syn verstarff was een snode broeckpertken dat dese rentmeyster vercoeft hoeren man voir

xv schillinghen

Van Wichman Ylmerdinck die gestorven is inden kerspell van Gorssell ende was koermoyst, dair van myns genedigen heren recht was een merye die dese rentmeyster vercoeft synen kynderen voir vi postulaat gulden tstick tot xiii stuvers qui valet

iiii £ iiiii schillinghen

Van Jutte van Cleve die gestorven is toe Bayck ende was koermeyst dair van myns genedigen heren recht was een pertken dat dat dese rentmeyster vercoeft heeft hoeren man voir een oert min dan iiiii postulaat gulden qui valet

ii £ xii schillinghen vi penningen

Van tJade toe Nyenhues, dat ein eygen man was hoerende inden hof toe Lochem, ende is gestorven bynnen der stat van Deventer, daer van mynen genedigen heren voer sien recht toe gescheiden is vyftich golden rinss gulden, die Bernt van Wychs den voersschreven tJaden schuldich was ende we wal dat dese rentmeister dese penningen niet en heft ontfangen, soe steldt hy nochtant hier die en ontfange, wat hem die beloeft sunt to betalen qui valet

Liiii £ x schillinghen

In de marge: die certifficatie op alle die partijen van dess capitulo

foto 0057

folio 27 recto

Van Henrick ter Knecht die gestorven is inden kerspell van Almen
ende was koermeyst dair van myns genedigen heren recht was een
styer den dese rentmeyster vercoeft heeft Dyrick Nunnynck toe
Zutphen voir iiii postulaat gulden qui valet ii £ ii schillinghen

Van Gertrud Volkens die gestorven is toe Stenre ende was koer-
meyst ende arm dair van myns genedigen here recht was een snode
hoyckken dat dese rentmeyster heeft vercoeft voir ii schillinghen

Van Reynt totter Kamppe die gestorven is toe Lochem ende was
koermeyst dair van myns genedigen heren recht was enen olden
tabbert den dese rentmeyster vercoeft heeft voir viii schillinghen

Van Nese ter Stort die gestorven is inde heerscap van Borkell
ende was koermeyst dair van myns heren recht was enen
rock die vercoeft is voir viii schillinghen

Is te weten dat dese rentmeyster ghene versterve van koer-
mets lude bynnen tyde deser rekeninghe aen ghecomen off
aen ghebracht sint noch oick vernomen noch gheyscht heeft
die inden lant van Zallant gevallen moigen wesen also
hier dair van Nyet

xxix.^a Somme Lxviii £ i schillinghen iiii penningen

Sy voortant in rekening gestelt die nature vanden eygenen ende kuermets luden gelyc gedaen is
inden naestvoirgaende rekeningen

Toelichting op de transcriptie

Betreffende de bron:

Het originele register bevindt zich in het Gelders Archief te Arnhem onder toegangsnummer 0001 – inventarisnummer 4320.

Dit register bevat een jaarrekening die slechts een half jaar beslaat, namelijk lopende van 13-07-1476 tot en met 14-01-1477. De voortijdige beëindiging van deze jaarrekening heeft als oorzaak dat de rentmeester na de tijding van het sneuvelen van hertog Karel van Bourgondië het land heeft verlaten.

Deeltitel: Ontvangst van versterven van volschuldige eigen lieden en keurmedige lieden
in de graafschap van Zutphen 1476-1477

Voor deze transcriptie is gebruik gemaakt van de digitale afbeeldingen 0001, 0005 t/m 0006 en 0056 t/m 0057 van het register, welke te zien zijn op de website van het Gelders Archief.

Betreffende de transcriptie:

- Iedere bladzijde is letterlijk in het geheel getranscribeerd.
- Eigennamen van personen en boerderijen zijn met een hoofdletter geschreven.
- Enkele verkortingen zijn letterlijk overgenomen, deze worden gevolgd door het afkortingsteken dubbele punt; bijv. vursz: = zoals eerder geschreven/gezegd.
De overige verkorte woorden zijn volledig uitgeschreven.
- Doorgehaalde letters of woorden zijn als zodanig weergegeven.
- Verder is de opmaak van de transcriptie zoveel mogelijk gelijk aan de bron.

**Deeltranscriptie: Ontvangst van versterven van volschuldige eigen lieden en keurmedige lieden
in de graafschap Zutphen - Periode 1476-1477**

Index

B

Boelkens
Engele..... 2

C

Cleve, van
Jutte 2

K

Kampe, totter
Reynt 3
Knecht, ter
Henrick 3

N

Nyenhues
tJade 2

S

Schymmelpenninc
Gerit..... 1
Schymmelpenninck
Gherit..... 1
Scrivers
Elsbe 2
Stort, ter
Nese..... 3

V

Volkens
Gertrud..... 3

W

Wychs, van
Bernt 2

Y

Ylmerdinck
Wichman 2